

Guangjisi Minzcu Bau

ganhhau: CN45-0036 B.2015 Nd.3 Ng.18 liggaeuq ietfeih nienz ndwencieng ngeihbet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3165期

Daengx Guek Yinzda Daibyaui Luz Yenbenj Ok Bet Aen Geiqmaeuz Gyarengz Guh Hong Vah Saw Minzcu

全国人大代表卢献匾“八方面”建议加强民族语文工作

Bonjbauq siusik(gicej Banh Cauzyangz/潘朝阳) Youq gwnz hoih Daengx Guek Yinzda Daihsam Baez Veiyl, daengx guek yinzda daibyaui, Swcigih Minzveij cujyin, Swcigih Minzyijveij cujyin Luz Yenbenj daezgyau 《Gij Genyi Gvendaengz Cienzmienh Gyarengz Guh Hong Vah Saw Minzcu》, ok bet aen geiqmaeuz.

It dwg genyi guekgya mizgven bumwnz comz rengz nem anbaiz vunz youq daengx guek caz gij cingzgvang vah saw saujsu minzcu, roxyiuj caez gij cingzgvang gizdieg, sawjyung, swncienz, yenzgiu, henhoi nem iugouz gvendaengz vah saw saujsu minzcu, ndaej gij baengzgawq engqgya sijsaeq hawj mizgven bumwnz dingh cwngeuz nem ok faplwd. Ngeih dwg genyi guekgya mizgven bumwnz caz nem rox

doenghgi faplwd fazgveih vah saw saujsu minzcu hengz ndaej baenzlawz yiengh, caz nem coi gak gaep gak bumwnz nyinhcaen ciuq gij faplwd fazgveih neix nem mizgven cidu hengz. Sam dwg genyi guekgya haidoengh gij cwnzsi guh hong ok 《Faplwd Vah Saw Saujsu Minzcu》, caemhcaiq dawz aen hanghmoeg neix coq haeu “cibsam haj” laebfap giva ndawde bae, dienzbouj gizhoengq faplwd vah saw saujsu minzcu. Seiq dwg genyi guekgya mizgven bumwnz gyarengz nem gajndeih hong youq dieg minzcu guh song saw vah gyauyuz, hawj mizgven byauhcuinj, sawson, sonhag nem gak cungj baujang engqgya sijsaeq, bienq ndei. Haj dwg genyi guekgya mizgven bumwnz gyarengz guh hong beizyangi vunzcaiz vah saw saujsu minzcu, gyarengz guh gij gihdi

nem bingzdaiz beizyangi, boiq gaeuq vunzcaiz guh hong henhoi, sawjyung, swncienz, fazcanj vah saw minzcu. Roek dwg genyi guekgya mizgven bumwnz ciuq faplwd fazgveih, nyinhcaen hawj vah saw saujsu minzcu ndaej youq ndaw bumwnz yung, daegbied youq dieg minzcu ndaej youq gvangjbo, denying, densi, oksaw, gyauyuz, swfhaz daengj ndawde sawjyung. Caet dwg genyi guekgya mizgven bumwnz gyarengz guh hong ciengigouq nem henhoi gij vah saw saujsu minzcu yied yung yied noix de. Bet dwg genyi guekgya mizgven bumwnz gyarengz yenzgiu vah saw saujsu minzcu, daez gij baengzgawq lijun hawj mizgven bumwnz cienzmienh gyarengz engq ndei guh hong vah saw saujsu minzcu.

SIUSIK DINJ

简讯

● Duenh neix, bouh denyingi aeu Vahcuengh baihnanz boiq-yaem heuhguh 《Denhgingz》 de youq Lungzcuh Yen gak dieg cuengq-yingi, daj bi' gvaq 10 nyied daengz bineix 2 nyied, gaeng youq daengx yienh 12 aen yangh(cin) 88 aen cunh mbanj cuengqingi, bouxyawj daihgaq miz 2 fanh vunzbaez.

(Dwng Haijcouh)

● 3 nyied 12 hau, Lozcwnz Mulaujcu Swciyen hai aen hoih daengx yienh minzcu gunghcoz nem daihseiq baez minzcu doxgiet cinbu byaujcangh daihhoih, byaujcangh 30 aen “daengx yienh minzcu doxgiet cinbu mozfan cizdij” nem 60 boux “daengx yienh minzcu doxgiet cinbu mozfan goyinz”.

(Veiz Yuzdai)

● 3 nyied 12 hau, Lungzlinz Gak Cuz Swciyen youq yienhsingz gawjbanh fouxgvangcangz beizyinh, gungh beizyinh 15 ngoenz, ndaw yienh 60 boux yezyiz vwnzyi guzgan camgya. Baez beizyinh neix son diuq doenghgi foux Myauzcu, Yizcu, Gwzlaujcu, Bouxcuengh nem Bouxgun daengj gag caux, beizyinh liux le, “sam nyied sam” geizgan youq ndaw yienhsingz baijyienj.

(Dauz Dwzgvangh)

● Bi' gvaq, Denzlinz Yen gibseiz anbaiz 1818.69 fanh cien-ngaenz Cunghyangh cienmonz ok de, hawj 3 fanh lai boux hagseng saujsu minzcu diegbya gungzhoj de ndaej mienxfei gwn ngaiz-yingzyang; ndaw yienh caizcwnz ok 257.6 fanh maenz, hwnjguh 11 doengh laeuz fandanz hagseng, gungh 1224 bingzfanghmij, lij roengz 210.32 fanh maenz cienmonz cawx doenghyienh fandanz.

(Banh Sauginh)

● Daj 2009 nienz daengz 2014 nienz, Yungzsuij Myauzcu Swciyen haigoeng guh “it saeh it yaeng” hanghmoeg 1069 aen, baugvat guh roen moq, bu roen suiinj, coih mieng, guh lanzgiuzcangz nem vwnzvasiz, vunz caeuq doihduz gwnraemx, ceiqleix vanzging daengj hanghmoeg, gungh roengz 17188 fanh maenz, hawj 141 fanh vunz souh'ik.

(Liu Swjyenh)

Sanhgyangh: Angq Ciengq Dohyeh Hoh Daizheiq Laebbaenz

三江：欢唱耶歌庆戏台



3 nyied 12 hau, Sanhgyangh Dungcu Swciyen Linzhih Cin Linzhih Cunh Mbanj-yenzcai gawjbanh hoz-dung angqhoi daizheiq moq laebbaenz, gyawj fanh boux gak cuz ginzung daj Gvangsih, Huznanz, Gveicouh daengj dieg nemgyawj daeuj angq comz giz ndeu, doenggvaq ciengq go Dohyeh, boq aenvenz, gwn ngaiz bak ranz, yienj Heiqdung-cuz daengj angqhoi daizheiq moq laebbaenz. Ndaw doz dwg vunz Dungcu dangdieg youq baihnaj daizheiq moq ciengq Dohyeh.

(Yangz Mingz/杨明 Gungh Bujangh/龚普康 ingj)

Songh Hoih: Boux Daibyaui Gih Raeuz Okmaeuz Fazcanj Denyingi Densi Saujsu Minzcu

两会：广西代表呼吁发展少数民族影视

Youq “song hoih” geizgan, miz boux daibyaui ndaw Gvangsih daibyauidonz de ok geiqmaeuz: Laeb saujsu minzcu denyingi densi fanhoiz nem cauxguh cungsim, hawj vunz saujsu minzcu ndaej gvaq vwnzva swnghhoz engq lai. “Seizneix doengh-gij denyingi densi dingzlai dwg

Vahbujdunghva (Vahgun), danhsieh youq dieg saujsu minzcu comzyouq liz ndawsingz gyae de, mizmbangj bouxgeq nem bouxcungnienz dingq mbouj daih rox Vahbujdunghva.” Daengx guek yinzda daibyaui, Gvangsih boux cozyah okmingz heuhguh Fanz Yizbingz genyi,

Gvangsih mizgven bumwnz wnggai laeb aen saujsu minzcu denyingi densi fanhoiz nem cauxguh cungsim, boiq vah minzcu coq doenghgi cozbini ndei, youq dangdieg densidaiz book, hawj vunzlai ndaej gvaq vwnzva swnghhoz lai ndei. (Vangz Cinhnanz/王春楠 Gungh Vwnzyingj/龚文颖)